

საქართველოს შრომის, ჯანმრთელობისა და სოციალური დაცვის სამინისტრო



საქართველოს შრომის, ჯანმრთელობისა და სოციალური დაცვის სამინისტროს შრომის ბაზრის ანალიზისა და საინფორმაციო სისტემის დანერგვისა და განვითარების სახელმწიფო პროგრამის ფარგლებში, შრომის ბაზრის საინფორმაციო სისტემის შექმნისა და განვითარების მომსახურების შესყიდვა.

ელექტრონული ტენდერის

ს ა ტ ე ნ დ ე რ ო დ ო კ უ მ ე ნ ტ ა ც ი ა

ს ა რ ზ ე ვ ი

1. ტექნიკური დავალება 3 გვ.
2. სახელმწიფო შესყიდვის შესახებ ხელშეკრულების პროექტი 15 გვ.
4. დამატებითი ინფორმაცია 18 გვ.
5. დანართი №1. 19 გვ.
6. აფიდავიტი (დანართი №2). 20 გვ.

1. ტექნიკური დავალება

1.1. შესყიდვის ობიექტის მახასიათებლები

შესყიდვის ობიექტს წარმოადგენს შრომის ბაზრის საინფორმაციო სისტემის შექმნა, რომელიც არის ინფორმაციის წარმოების, ანალიზისა და გავრცელების შესაძლებლობა. იგი წარმოადგენს საჯარო ვებ-პორტალს, რომელიც მოიცავს ინფორმაციას შრომის ბაზარზე არსებული მდგომარეობისა და კარიერული დაგეგმვის შესახებ.

შრომის ბაზრის საინფორმაციო სისტემის ვებ-პორტალის მთავარი მიზანია დაინტერესებული მხარეების (მოსწავლეები, სტუდენტები, მშობლები, უმუშევრები, სამთავრობო სტრუქტურები, მკვლევარები და სხვა) ინფორმირებულობა შრომის ბაზრის ინდიკატორების შესახებ, კერძოდ: დასაქმების, ეკონომიკური სექტორების განვითარების ტენდენციების, კონკრეტულ პროფესიებზე მოთხოვნადი უნარების, განათლების დონეების, საშუალო ხელფასის მიხედვით და ა.შ.

ვებ-პორტალი უნდა იყოს შექმნილი PHP ან Microsoft ASP.NET ტექნოლოგიის გამოყენებით, უნდა იყენებდეს უახლეს სტანდარტებს (HTML5 და CSS3), თანამედროვე JavaScript (jQuery, Modernizr, AngularJS, D3.js etc.), ვებ ტექნოლოგიებს API, AJAX და მონაცემთა ბაზებს - MSSQL 2014 .

ვებ-პორტალს უნდა ჰქონდეს ინტეგრირებული პანელები (დაფა), რომლებიც უზრუნველყოფენ მონაცემთა ბაზების წარმოდგენას დიაგრამებისა და სხვადასხვა სახის გრაფების საშუალებით, რომელთა სახეცვლილება (ფორმა, კონფიგურაცია) შესაძლებელი იქნება მოცემული ფილტრების საშუალებით.

ვებ-პორტალს უნდა გააჩნდეს პარალელურად რამდენიმე გამოკითხვის წარმოების, ფორუმისა და Chat-ის ფუნქციონალი.

ვებ-პორტალის მართვისთვის საჭიროა არსებობდეს პორტალის ადმინისტრირების პანელი, რომლის დაცულობის ხარისხი უნდა აკმაყოფილებდეს საერთაშორისო სტანდარტებს.

ვებ პორტალზე განთავსებული მონაცემთა ბაზები

მონაცემთა კრებული N1. მოსახლეობა

- წლების, რეგიონების, ასაკის, სქესის, დასახლებული პუნქტების (ქალაქად/სოფლად) მიხედვით;

მონაცემთა კრებული N 2. დასაქმება

- წლების, რეგიონების, ასაკის, სქესის, ეკონომიკური აქტივობის, დასახლებული პუნქტების, ეკონომიკური სექტორების, პროფესიებისა და დასაქმების, განათლების დონის მიხედვით;

მონაცემთა კრებული N 3. უმუშევრობა

- წლების, რეგიონების, ასაკის, სქესის, ეკონომიკური აქტივობის, დასახლებული პუნქტების, ეკონომიკური სექტორების, პროფესიებისა და დასაქმების, განათლების დონის მიხედვით;

მონაცემთა კრებული N 4. განათლება

- განათლების პროგრამების, საგანმანათლებლო ინსტიტუტების, განათლების სფეროს, სტუდენტთა რაოდენობის მიხედვით;

მონაცემთა კრებული N 5. ვაკანსიები

- თვეების, კვარტლების, წლების, რეგიონების, სამუშაო კატეგორიების, დამსაქმებლების მიხედვით;

მონაცემთა კრებული N 6. ხელფასი

- წლების, რეგიონების, ასაკის, სქესის, ეკონომიკური აქტივობის, დასახლებული პუნქტების, ეკონომიკური სექტორების, პროფესიებისა და დასაქმების, განათლების დონის მიხედვით;

მონაცემთა კრებული N 7. კურსდამთავრებულთა კვლევა

- წლების, სქესის, ასაკის, განათლების დონის, პროფესიების, სტატუსის მიხედვით;
- სხვა მაჩვენებლები: სამუშაო ადგილები, სამუშაოს საძიებო სისტემები, უნარების შეუსაბამობა, ხელფასები, სამუშაო პირობები;

მონაცემთა კრებული N 8. დამსაქმებელთა კვლევა

- რეგიონების, საწარმოს ზომების, ეკონომიკური საქმიანობის მიხედვით;
- უნარებისა და კვალიფიკაციის მხრივ დამსაქმებელთა დამოკიდებულება, სამუშაო ძალის დეფიციტი და სიჭარბე, მუშაობის პერსპექტივები, საჭირო უნარები, მობილობა და ა.შ.

კარიერული დაგეგმვის კომპონენტი

კარიერული დაგეგმვის კომპონენტმა უნდა უზრუნველყოს ინფორმაცია სტუდენტებისა და ახალგაზრდებისათვის, მათ ვისაც სურთ დახმარება კარიერის, განათლებისა და დასაქმების მხრივ გადაწყვეტილების მიღება. ეს სექცია განსაკუთრებით დაეხმარება სამუშაოს მაძიებლებს და მათ ვინც ეძებს განათლების შესაძლებლობებს.

კარიერული დაგეგმვის სექციამ უნდა უზრუნველყოს ინფორმაცია სხვადასხვა მომხმარებლისათვის და პასუხი გასცეს შემდეგ კითხვებს:

მოსწავლეები და მათი მშობლები:

- რა პროფესია ავირჩიოთ?
- რომელი სკოლა ავირჩიოთ?
- სად ვნახოთ კოლეჯების ნუსხა?
- სად არის შესაძლებელი მუშაობა საშუალო განათლებით?
- როგორ მივიღოთ მეტი ინფორმაცია უმაღლესი განათლების შესახებ?

სტუდენტები:

- სად არის შესაძლებელი მეტი ინფორმაციის მიღება სტიპენდიებისა და საცხოვრებლის შესახებ;
- როგორ შევცვალოთ სასწავლო კურსი?
- სწავლის პარალელურად მსურს მუშაობა. სად მოვიძიოთ ინფორმაცია სტუდენტებისათვის სამუშაოს შეთავაზებაზე?
- შემიძლია თუ არა, რომ ვიყო მოხალისე სწავლის პარალელურად?
- როგორ მოვიძიოთ ინფორმაცია უცხოეთში სწავლებაზე?
- შესაძლოა თუ არა სამუშაო გამოცდილების მიღება მოხალისის რანგში?

უმუშევრები:

- რა უფლებები და მოვალეობები აქვს უმუშევარ ადამიანს?
- სად შეიძლება ინფორმაციის მოპოვება სამუშაო შემოთავაზებებზე?
- როგორ არის შესაძლებელი უნარების გაუმჯობესება?
- სად არის შესაძლებელი დახმარების მიღება თვითშესაძლებლობებზე?
- როგორ გავიუმჯობესოთ სამუშაოს ძიების უნარები?
- როგორ წარვდგეთ უკეთესად გასაუბრებაზე?

სამუშაოს მაძიებლები:

- მსურს კარიერაში ცვლილება და სად შემიძლია დახმარების მიღება?

- როგორ გავიუმჯობესოთ სამუშაოს ძიებისა და CV-ს წერის უნარები;
- როგორ დავწეროთ სამუშაოს განაცხადი და რა არის საჭირო რეზიუმისათვის?
- როგორ მოვემზადოთ წარმატებული გასაუბრებისათვის?

1.2 მიმწოდებელმა უნდა უზრუნველყოს:

მომსახურების სახით შრომის ბაზრის საინფორმაციო სისტემის ვებ-პორტალის, ანალიტიკური ინსტრუმენტებისა და მონაცემთა ბაზების შექმნა და განვითარება.

IT სისტემის პროგრამული მოდულებისა და კომპონენტების შემუშავება (Developing), მათ შორის პროგრამის დაწერა, გარეგანი სახის (Interfaces) მომზადება, ბიზნეს ლოგიკის კოდირება (Coding Business Logic), ანალიტიკური ინსტრუმენტის შექმნა (Business Intelligence), მცდარი კოდების შესწორება, სისტემის ტესტირება.

მონაცემთა ბაზების დიზაინი და გარე წყაროებიდან ინფორმაციის განახლების პროცედურების განსაზღვრა. კვლევების შედეგებზე დაყრდნობით ცალკეული ინფორმაციის შეჯამება და ერთიანი მონაცემთა ბაზის მომზადება.

ვებ-პორტალის ადმინისტრირებაზე ცოდნის გადაცემის მიზნით ტრენინგების უზრუნველყოფა, მინიმუმ ერთ წლიანი თანმდევი მომსახურების გაწევა (support), პროგრამული ხარვეზების (bugs) აღმოჩენა და გასწორება.

ყოველივე ითვალისწინებს სამუშაოს შესრულებას 5 ფაზიანი მოთხოვნის შესაბამისად.



მიმწოდებელმა საჭიროების შემთხვევაში უნდა უზრუნველყოს დამატებითი პრინციპული ცვლილებების უზრუნველყოფა, რაც მიზნად ისახავს ხარვეზების აღმოჩენას, სისტემის სრულყოფასა და ოპტიმიზაციას.

ვებ-პორტალი უნდა პასუხობდეს შეზღუდული შესაძლებლობის პირთა მოთხოვნებს, კერძოდ უნდა ჰქონდეს მოსმენის საშუალება (ტექსტის აუდიო ფორმატში გადაყვანა), მკაფიოდ კონფიგურირებული შრიფტი (კონტრასტულობა) და მისი გადიდება-შემცირების შესაძლებლობა.

სისტემა უნდა იყოს სრულად დოკუმენტირებული. ის უნდა შეიცავდეს:

- სისტემის არქიტექტურის სრულყოფილ აღწერას;
- მონაცემთა ბაზების სტრუქტურის სრულყოფილ აღწერას;
- ინფორმაციის გაცვლის სერვისებისა და მეთოდების აღწერას;
- ინფორმაციის მიღებისა და ატვირთვის რეალიზებული საშუალებების აღწერას;
- ვებ-პორტალის პანელების (მას შორის ადმინისტრირების პანელის) სრულყოფილ აღწერას;
- ანალიტიკური ინსტრუმენტების აღწერის და მათი მართვის სახელმძღვანელოს;
- მომხმარებელთა (როლების მიხედვით) სახელმძღვანელოს.

დამკვეთს გადაეცემა ღია კოდი (Source Code), რომელიც შესრულებული უნდა იყოს Code Styling-ის მოთხოვნების შესაბამისად.

შრომის ბაზრის საინფორმაციო სისტემის ფუნქციონირების საფეხურები

მონაცემთა ბაზების პირველწყაროების განსაზღვრა და ინფორმაციის მოპოვება - ცხრილში მოცემულია მონაცემთა ბაზები და მათი მოპოვების წყაროები. მოპოვებული ინფორმაცია შესაძლოა იყოს პირველადი (დაუშუშავებელი) და მეორადი (დამუშავებული). შესაბამისად პირველადი ინფორმაცია მოითხოვს დამუშავებას.

	GeoStat	ESS/SSA (Worknet)	MoLHSA	MoES
N1. მოსახლეობა	✓			
N 2. დასაქმება	✓			
N 3. უმუშევრობა	✓			
N 4. განათლება				✓
N 5. ვაკანსიები		✓		
N 6. ხელფასი	✓			
N 7. კურსდამთავრებულთა კვლევა				✓
N 8. დამსაქმებელთა კვლევა			✓	

მონაცემების მთლიანობა შეიძლება განხორციელდეს პირველწყაროებთან შეთანხმებული ფორმებითა და მეთოდებით (მონაცემთა შეთანხმებულ ფორმატში და პერიოდში მიწოდება, ვებ სერვისების საშუალებით ინფორმაციის მოთხოვნა, სპეციალური ფორმულების საშუალებით ინფორმაციის ატვირთვა და ვალიდაცია).

ყველა ამ ფუნქციონარის შესაბამისი ფორმები და მეთოდები რეალიზებული უნდა იყოს სისტემაში.

ფორმალიზება - პირველწყაროებიდან მიღებული მონაცემების ერთიან სტანდარტში მოქცევა, მათი გადამოწმება-ვალიდაცია.

ინფორმაციის გაერთიანება - ინფორმაციის შეკრება და საერთო ბაზაში განთავსება.

ანალიტიკური ინსტრუმენტების შექმნა - არსებული ანალიტიკური პროგრამების დანერგვა ან სისტემისათვის ახალი ანალიტიკური პროგრამის დაწერა, რომელიც უზრუნველყოფს ფორმულებისა და ფილტრების საშუალებით მონაცემთა ბაზების გაანალიზებას.

ვიზუალიზაცია - სხვადასხვა სახის დიაგრამების (Line, Pie, Column, Bar and etc.) საშუალებით სტატისტიკის გრაფიკული წარმოდგენა.

გამოქვეყნება - რეპორტის შექმნის ფუნქციური მხარის უზრუნველყოფა და მზა რეპორტების განთავსება.

1.3 შესყიდვის ობიექტის ფუნქციური მოთხოვნები

სახელი	აღწერა	მნიშვნელობა
მონაცემების სისწორისა და შეყვანის ფუნქციური მოდული		
სხვადასხვა გარე წყაროებიდან მონაცემების შეყვანა	სისტემაში შესაძლებელი იქნება მონაცემების შეყვანა სხვადასხვა გარე წყაროდან, მიუხედავად მათ მიერ გამოყენებული ტექნოლოგიებისა მონაცემების შეტანა იქნება ტექნოლოგიურად ნეიტრალური პროცესი და არ იქნება საჭირო განსაკუთრებული ოპერაციული სისტემის გამოყენება.	მაღალი

	სისტემა გამოიყენებს ინფორმაციული უსაფრთხოების მექანიზმებს. სისტემა აკმაყოფილებს პერსონალურ მონაცემთა დაცვის შესახებ კანონის მოთხოვნებს	
სხვადასხვა ფორმატში არსებული მონაცემთა ბაზების შეყვანა	LMIS სისტემა შეძლებს სხვადასხვა სტანდარტულ ფორმატში (XML, CSV, Excel, Access, MSSQL და ა.შ.) მოცემული ბაზების შეყვანას.	მაღალი
სხვადასხვა ტექნოლოგიების გამოყენებით მონაცემთა ბაზების შეყვანა	LMIS სისტემა შეძლებს სხვადასხვა ტექნოლოგიების გამოყენებით მონაცემთა ბაზების შეყვანას (ვებ სერვისები, FTP, HTTP, HTTPS და ა.შ.).	მაღალი
გარე წყაროებიდან მონაცემთა ავტომატური შეგროვება	LMIS სისტემას ექნება გარე წყაროებიდან მონაცემთა შეგროვების ავტომატური ფუნქცია („push” ან „pull” მეთოდი), რომელიც შესრულდება პერიოდულად (კვირაში ან თვეში ერთხელ და ა.შ.) ან მოთხოვნის შესაბამისად.	მაღალი
მონაცემების ხელით შეყვანა, როგორც ალტერნატიული საშუალება	LMIS სისტემას ექნება მონაცემთა ხელით შეყვანის ფუნქცია, როგორც ალტერნატიული საშუალება, რომელის გამოყენებაც არ იქნება რეკომენდირებული, მაგრამ შესაძლოა გამოყენებულ იქნას სხვადასხვა მიზეზის გამო, თუ ვერ ხერხდება მონაცემების შეყვანა სისტემური მიზეზის საფუძველზე („system-to-system” basis). LIMS სისტემას ექნება მონაცემთა ხელით შეყვანის ფუნქცია. ასე მაგ: მოწოდებული ინფორმაციის გახსნის (მაგალითად: CD ან DVD), მონაცემების დადასტურების, LIMS-ის ბაზაში მონაცემის შეყვანის.	საშუალო
მონაცემების დამუშავების და ადმინისტრაციის ფუნქციური მოდული		
მომხმარებელთა უფლებებისა და სისტემაში დაშვების ადმინისტრირების შესაძლებლობა	LMIS სისტემა უზრუნველყოფს ადმინისტრატორის უფლებებსა და მონაცემებთან წვდომას. LMIS სისტემა უზრუნველყოფს ადმინისტრატორისათვის მონაცემების მართვას, მონიტორინგს, შეკრებასა და დამუშავების პროცესებს.	მაღალი
მონაცემების შესაბამისობის ავტომატური გადამოწმება	LMIS სისტემა შეატყობინებს ადმინისტრატორს მონაცემების შეუსაბამობის შემთხვევაში (მიუხედავად იმისა მონაცემები შეყვანილია ავტომატურად ან ხელით). LMIS სისტემა დაწერს დეტალურ მოხსენებას მონაცემის შესაბამისობაზე. ანგარიშმა უნდა	მაღალი

	ასახოს მონაცემების ხარვეზები, რაც აღმოიფხვრა გადამოწმებისას და სისტემაში მონაცემების შეყვანისას.	
გადამოწმებული მონაცემების ავტომატური შეყვანა	LMIS სისტემა უზრუნველყოფს გადამოწმებული მონაცემების მყისიერ ავტომატურ შეყვანას "მონაცემთა დამუშავებისა და ადმინისტრირების მოდულიში".	მაღალი
მონაცემების მოდიფიკაცია	LMIS სისტემა შეძლებს მონაცემების მოდიფიკაციას, ამგვარად დამატებით/სხვა მონაცემების სისტემაში შეყვანას. LMIS მონაცემთა ბაზისა და ფაილების კონფიგურაცია.	მაღალი
ახალი მონაცემთა ბაზებისა და რესურსების დამატება	LMIS სისტემა შეძლებს ახალი მონაცემთა ბაზებისა და რესურსების დამატებას და LIMS-ის სისტემაში დამუშავებას იმისათვის, რომ უზრუნველყოს სისტემის მდგრადობა.	მაღალი
მონაცემთა მართვის ქვესისტემის ფუნქციონირება Master Data Management (MDM)		
კლასიფიკაციების ადმინისტრირება	LMIS სისტემა შეძლებს ყველა კლასიფიკაციის მართვას (მაგ. განათლების დონე, ეკონომიკური სექტორები, პროფესიები, რეგიონებში და ა.შ.) მონაცემთა მართვის (MDM) ქვესისტემაში. LMIS სისტემა შეძლებს „კლასიფიკაციის კარტოგრაფიის“ მართვას (“classification mappings”). LMIS სისტემა შეძლებს არსებული და ძველი კლასიფიკაციების მართვას, რათა უზრუნველყოს იმ კლასიფიკაციასთან უკან თავსებადობა, რომელიც აღარ გამოიყენება.	მაღალი
MDM მონაცემები ხელმისაწვდომია ყველა LMIS მოდულისათვის	LMIS სისტემის MDM ქვესისტემა უზრუნველყოფს MDM მონაცემებს ყველა მოდულს. ასე მაგ. მონაცემების შეგროვების კომპონენტები, მონაცემთა ანალიზის კომპონენტები და მონაცემთა წვდომის კომპონენტები. ამ გზით, LMIS სისტემა ხელს შეუწყობს საერთო/დამხამრე კლასიფიკაციის სისტემების გამოყენებას.	მაღალი
მონაცემთა შენახვა		
მონაცემების შიდა გადაწერა (local copy) მონაცემთა საცავში (warehouse)	მონაცემთა საცავი (warehouse) უზრუნველყოფს გარე წყაროებიდან ადრე მოპოვებული და გარდაქმნილი მონაცემების შიდა გადაწერას, რათა შესაძლებელი იყოს მონაცემებისა და ტენდენციების ანალიზი.	მაღალი
მაღალი ხარისხისა და საიმედო ანალიტიკური	მონაცემთა საცავი შეძლებს მაღალი ხარისხისა და საიმედო ანალიზს, სიმულაციას,	მაღალი

სისტემა	კომპლექსურ მიებასა და რეპორტირებას, LMIS-ის სისტემის ფუნქციონირებაზე გარეშე ზეგავლენის გარეშე.	
მრავალმომხმარებლიანი ანალიტიკური ბაზა	მონაცემთა საცავს ექნება მრავალმომხმარებლიანი ანალიტიკური ბაზა, ისე რომ არ ექნება გარეშე ზეგავლენა LMIS-ის სისტემის ფუნქციონირებაზე.	მაღალი
კონფიდენციალურობა	მონაცემთა საცავში და სისტემის სხვა მონაცემთა ბაზებში არსებული ინფორმაცია იქნება კონფიდენციალური, გამოიყენება მხოლოდ სტატისტიკური დამუშავებისთვის არ მოხდება მისი გამოქვეყნება (პირადი ნომერი, სახელი და გვარი, დაბადების თარიღი).	მაღალი
მონაცემებთან წვდომა (Data Marts)		
მონაცემთა დენორმალიზაცია	LMIS-ის სისტემაში მონაცემებთან წვდომა (Marts) შექმნილია, რომ შეიცავდეს შესაბამის ფორმატში დენორმალიზებულ მონაცემებს, რათა გაკეთდეს ანალიტიკური ანგარიშები და უზრუნველყოფილი იყოს ანალიტიკური მონაცემების ხელმისაწვდომობა და ა.შ.	მაღალი
აუდიტი	მონაცემებთან წვდომა შეიცავს LMIS-ის სისტემაში აუდიტის ფუნქციას, რომელიც მონიტორინგის გაუწევს თუ რამდენჯერ განხორციელდა წვდომა გარკვეულ მონაცემებსა და ანალიტიკურ ანგარიშებზე.	
LMIS-ის ზოგადი მოთხოვნები		
ვებ პროგრამა	LMIS პორტალი შეიქმნება, როგორც "ვებ-პროგრამა", რომელიც ხელმისაწვდომი იქნება ინტერნეტის/ინტრანეტის საშუალებით ყველა სტანდარტული ვებ ბრაუზერის გამოყენებით. LMIS პორტალს ექნება თანამედროვე ინტერფეისი.	მაღალი
ინსტალაცია არ არის საჭირო	LMIS პორტალს არ დასჭირდება რაიმე სახის ინსტალაცია მომხმარებლის კომპიუტერში.	მაღალი
მარტივი ნავიგაცია	LMIS პორტალს ექნება ადვილი და ეფექტური ნავიგაცია. მთავარი პრინციპი მდგომარეობს იმაში, რომ მოთხოვნილი ინფორმაციის გამოტანას არ უნდა დასჭირდეს მომხმარებლის მხრიდან სამ მოქმედებაზე მეტი (3 clicks).	მაღალი
ორენოვანი ინტერფეისი	LMIS პორტალს ექნება ორენოვანი ინტერფეისი: ინტერფეისი შესაძლებელი (დიაგრამები, ჩარტები, ანგარიშები) იქნება ქართულ და ინგლისურ ენებზე.	მაღალი

მომხმარებლის ავტორიზაცია	LMIS პორტალს ექნება ავტორიზაციის სხვადასხვა დონე შიდა და გარე მომხმარებლისათვის: ანონიმური შეღწევადობა საჯარო მომხმარებლებისათვის; ავტორიზაცია სამინისტროს შიდა მომხმარებლებისათვის.	მაღალი
მონაცემთა ვიზუალიზაცია	LMIS პორტალი უზრუნველყოფს მომხმარებლისათვის შრომის ბაზრის მონაცემების ვიზუალიზაციას და მათ გამოყენებას ინტერაქტიული სქემებისა და დიაგრამების საშუალებით. LMIS მომხმარებლებს შეეძლებათ შეარჩიოს სასურველი ტიპის ინტერაქტიული სქემები/ დიაგრამები (line and area charts, bar charts (horizontal and vertical), stacked bar charts, pie charts, radar charts, tables, scatter and bubble diagrams and other diagrams)	მაღალი
მონაცემთა წარმოდგენა	LMIS პორტალი საშუალებას მისცემს მომხმარებლებს მიიღონ შრომის ბაზრის ერთიანი მონაცემები სხვადასხვა ჭრილში (მაგ. სქესის, ასაკის, ეკონომიკური სექტორის, განათლების, პროფესიების და სხვა, შესაძლებლობის მიხედვით) და მაუსის ერთი დაწკაპუნებით (სადაც შესაძლებელი იქნება განხორციელება) შეასრულონ კონკრეტული ბრძანება. LMIS პორტალი საშუალებას მისცემს მომხმარებლებს აირჩიონ სასურველი საანგარიშო პერიოდი. LMIS პორტალი საშუალებას მისცემს მომხმარებლებს გადმოიწერონ ჩარტები/ დიაგრამები შესაბამის ფორმატში, მათ შორის PFF, PNG, JPG და სხვა.	მაღალი
ანგარიშის პერიოდულობა	LMIS პორტალი საშუალებას მისცემს მომხმარებლებს აირჩიონ სქემები ან დიაგრამები სასურველი პერიოდის მიხედვით.	მაღალი
ანგარიშებთან წვდომა	LMIS პორტალი მომხმარებელს მისცემს ანგარიშებთან წვდომის საშუალებას სხვადასხვა გზით, მაგალითად: ანგარიშების შაბლონების გამოყენებით, რომელიც გაადვილებს და დააჩქარებს მონაცემებთან წვდომას; მორგებული ანგარიშების გამოყენებით (მაგ. კომპლექსური ანგარიშები), რომელიც	საშუალო

	მოითხოვს მომხმარებლის ცოდნას; LMIS პორტალი მომხმარებელს მისცემს ჩამოტვირთოს ანგარიშები (PDF ან მსგავს ფორმატში).	
მონაცემების შეტანა	LMIS პორტალი მომხმარებელს მისცემს შესაბამის ფორმატში (Excel, PDF და სხვა შეთანხმებული ფორმატები) მონაცემების შეყვანის შესაძლებლობას.	საშუალო
მონაცემთა არქივი	LMIS პორტალი მომხმარებელს საშუალებას მისცემს მონაცემთა არქივთან წვდომის შესაძლებლობას. მონაცემთა არქივი შესაძლოა შეიცავდეს HTML გვერდებს, ფოტოებს, ელექტრონულ წიგნებს, დოკუმენტებს/ ანგარიშებს რომელთა ჩამოტვირთვა შესაძლებელია ლინკების საშუალებით.	
ძებნა	LMIS პორტალს ექნება ძებნის ფუნქცია, რომელიც უზრუნველყოფს პორტალზე არსებულ ინფორმაციაზე წვდომას.	საშუალო
ვებ-მომსახურება	LMIS პორტალს შეუძლია გარე მომხმარებლისათვის მომსახურების გაწევა. ვებ-სერვისების გამოყენებით ისინი შეძლებენ პორტალის მონაცემებზე წვდომას. ამ მხრივ LMIS სისტემას შეუძლია გახდეს შრომის ბაზრის მონაცემებზე საიმედო „ღია მონაცემთა წყარო“. ვებ-მომსახურებების გამოყენებით მომხმარებლებს ექნებათ წვდომა მხოლოდ პორტალზე განთავსებულ ღია ინფორმაციაზე.	საშუალო
LMIS საჯარო პორტალი		
სისტემის საჯარო მომხმარებლებისთვის ანონიმური წვდომა	ინტერნეტის ყველა არასაჯარო მომხმარებელს ექნება LMIS-ის პორტალზე წვდომა - არ იქნება მოთხოვნა ავტორიზაციასა ან აუთენტიფიკაციაზე.	მაღალი
ინფორმაციაზე წვდომა	ინტერნეტის მომხმარებლებს ექნებათ თავისუფალი წვდომა მხოლოდ წინასწარ შეთანხმებულ მონაცემებზე, ინფორმაციასა და ანგარიშებზე.	მაღალი
დამატებითი სერვისები	LMIS შესაძლებლობა აქვს შექმნას და აწარმოოს ელექტრონული ფორუმი. ასევე ვებ-პორტალზე აწარმოოს გამოკითხვები, შედეგების სათანადო ანალიზით.	საშუალო
LMIS შიდა პორტალი		
შესაბამისი აუთენტიფიკაცია და	LMIS-ის შიდა მომხმარებლები გაივლიან ავტორიზაციას სამინისტროს სხვა ქსელებში,	მაღალი

ავტორიზაცია LMIS-ის შიდა მომხმარებლისთვის	საინფორმაციო ბაზებსა და აპლიკაციებში შეღწევადობის ანალოგიურად.	
ინფორმაციაზე წვდომა	მომხმარებლის უფლებებიდან გამომდინარე, LMIS-ის შიდა მომხმარებლებს ექნებათ წვდომა მხოლოდ მხოლოდ წინასწარ შეთანხმებულ მონაცემებზე, ინფორმაციასა და ანგარიშებზე. შიდა მომხმარებლები იქნებიან მხოლოდ სამინისტროს თანამშრომლები.	
დოკუმენტირება		
Source Code	LMIS-ის დეველოპინგი უნდა განხორციელდეს შეთანხმებული Code Styling-ის მკაცრი დაცვით. შესაბამისი ღია კოდი უნდა გადაეცეს დამკვეთს ფლობელობაში.	მაღალი
დოკუმენტირება	LMIS-ის განუყოფელ ნაწილს უნდა წარმოადგენდეს შესაბამისი დოკუმენტაცია, რომელიც დეტალურად უნდა აღწერდეს სისტემის არქიტექტურას, მონაცემთა ბაზების სტრუქტურას, ინფორმაციის გაცვლის ინსტრუმენტებს (მათ შორის ვებ-სერვისების, მონაცემთა ატვირთვისა და ვალიდაციის ინსტრუმენტების წესებსა და მეთოდებს, ვებ-პორტალის პანელებისა და ანალიტიკური ინსტრუმენტების ფუნქციონალს. უნდა შეიქმნას მომხმარებელთა დეტალური სახელმძღვანელოები მათი როლების მიხედვით, მათ შორის ადმინისტრირების სახელმძღვანელო. ყველა დოკუმენტი უნდა წარმოებდეს ცვლილებების მენეჯმენტის ფარგლებში შექმნილი ვერსიების დონეზე.	

2. მომსახურების გაწევის პირობები:

2.2.1 მიმწოდებელმა უნდა უზრუნველყოს:

- პროექტის მმართველი გუნდის დაკომპლექტება მიმართულებების მიხედვით;
- სამუშაოს შესრულების მეთოდის განსაზღვრა;
- სამუშაოს შესრულების ეტაპობრივი გეგმა-გრაფიკის შედგენა;
- სამუშაოს შესრულებაში ჩართული ქვეკონტრაქტორების შესახებ სრული ინფორმაციის წარმოდგენა შემსყიდველისათვის (ასეთის არსებობის შემთხვევაში);
- სამუშაოს შესრულების შესახებ ანგარიშების წარმოდგენა შემსყიდველისათვის, გეგმა-გრაფიკის შესაბამისად;

3. მომსახურების გაწევის ვადები:

3.1 მომსახურება განხორციელდება ხელშეკრულების გაფორმებიდან 6 თვის განმავლობაში.

4. ანგარიშსწორების პირობები – ანგარიშსწორება იწარმოებს ეტაპობრივად, „მიმწოდებლის“ მიერ წარმოდგენილი შესრულებული სამუშაოს მიხედვით, მხარეებს შორის გაფორმებული მიღება-ჩაბარების აქტის, ინსპექტირების ჯგუფის მიერ მომზადებული ინსპექტირების აქტისა და „მიმწოდებლის“ მიერ წარმოდგენილი ფინანსური დოკუმენტების საფუძველზე, მიღება-ჩაბარების აქტის გაფორმებიდან 15

სამუშაო დღის განმავლობაში ან შესაძლებელია გამოყენებული იქნეს წინასწარი გადახდის მექანიზმი, ხელშეკრულების ღირებულების 50%-ის ოდენობით. წინასწარი ანგარიშსწორებისათვის მიმწოდებელმა უნდა წარმოადგინოს საბანკო/სადაზღვევო გარანტია წინასწარ გადასახდელი თანხის სრული ოდენობით.

5. სატენდერო წინადადება და თანმხლები დოკუმენტაცია შედგენილი უნდა იქნეს ქართულ ენაზე.

6. პრეტენდენტის მიერ, სისტემაში ასატვირთი სატენდერო წინადადება უნდა შეიცავდეს შემდეგ დოკუმენტებს:

ა) პრეტენდენტის რეკვიზიტები, სატენდერო წინადადების მოქმედების ვადა, ანგარიშსწორების პირობები, სატენდერო დოკუმენტაციის დანართი №1-ის მიხედვით.

ბ) შრომის ბაზრის საინფორმაციო სისტემის შექმნისა და განვითარების (გასაწევი მომსახურების) შესრულების მეთოდიკა;

გ) გასაწევი მომსახურების გეგმა-გრაფიკი;

დ) ფასების ცხრილი (ბიუჯეტი) გეგმა-გრაფიკის შესაბამისად;

ე) ინფორმაციას ორგანიზაციის შესახებ შემდეგი მონაცემების მითითებით:
ორგანიზაციის ზოგადი საქმიანობა; ბოლო 3 წლის (2013 წლის 1 იანვრიდან 2016 წლის 1 იანვრამდე) განმავლობაში განხორციელებული მსგავსი სირთულის სამუშაოების ჩამონათვალი;

შენიშვნა: სამუშაოების შესრულების დამადასტურებელი დოკუმენტები (გაფორმებული ხელშეკრულებები და შესრულებული სამუშაოს მიღება-ჩაბარების აქტების ასლები) წარმოდგენილი იქნება შემსყიდველის მოთხოვნის შემთხვევაში.

ვ) პროექტის მმართველი ჯგუფის აღწერა, უფლებები და მოვალეობები;

ზ) ინფორმაციას მოწვეული სპეციალისტებისა და ქვეკონტრაქტორების (ასეთის არსებობის შემთხვევაში) შესახებ.

7. საკვალიფიკაციო მოთხოვნები

საკვალიფიკაციო მოთხოვნების თანახმად, პრეტენდენტმა უნდა წარმოადგინოს შემდეგი დოკუმენტები:

7.1 იურიდიული პირისათვის:

- ამონაწერი სამეწარმეო რეესტრიდან (საჯარო რეესტრის ეროვნული სააგენტოდან);
- ცნობა საჯარო რეესტრის ეროვნული სააგენტოდან, რომ არ მიმდინარეობს იურიდიული პირის რეორგანიზაცია ან ლიკვიდაცია.

7.1.1 ფიზიკური პირისათვის:

- ცნობა სათანადო დაწესებულებიდან, რომ არ მიმდინარეობს მის მიმართ გადახდისუუნარობის/გაკოტრების საქმის წარმოება.

7.1.2. როგორც იურიდიული, ასევე ფიზიკური პირებისათვის:

- ცნობა საგადასახადო ინსპექციიდან სახელმწიფო ბიუჯეტისადმი დავალიანების არარსებობის შესახებ

7.2. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები გაცემულ უნდა იყოს:

ა) ელექტრონული ტენდერის შემთხვევაში – „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (წინადადების მიღება დაწყებულია) დაწყების შემდეგ, ხოლო არარეზიდენტი პრეტენდენტის შემთხვევაში – საკვალიფიკაციო მონაცემების დამადასტურებელი დოკუმენტები გაცემული უნდა იყოს „გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ლ“ ქვეპუნქტით გათვალისწინებული ეტაპის (წინადადების მიღება დაწყებულია) დაწყებამდე არაუგვიანეს ოცდაათი დღისა.

7.3. ადმინისტრაციული ორგანოებიდან წარმოსადგენი საკვალიფიკაციო მონაცემების დამადასტურებელი დოკუმენტები, დედნის სახით ან ნოტარიულად დამოწმებული ასლები, წარმოდგენილ უნდა იქნეს შემსყიდველ ორგანიზაციაში მოთხოვნიდან არა უმეტეს 5 (ხუთი) სამუშაო დღეში. არარეზიდენტმა პრეტენდენტ(ებ)მა უნდა წარმოადგინონ თავიანთი ქვეყნის შესაბამისი უფლებამოსილი ორგანოების მიერ გაცემული საკვალიფიკაციო მონაცემების დამადასტურებელი დოკუმენტები, რომლებსაც თან უნდა დაერთოს ნოტარიულად დამოწმებული თარგმანი ქართულ ენაზე.

8. სახელმწიფო შესყიდვის შესახებ ხელშეკრულების პროექტი

1. ხელშეკრულების დამდები მხარეები

1.1. ერთი მხრივ, საქართველოს შრომის, ჯანმრთელობისა და სოციალური დაცვის სამინისტრო, შემდგომში „შემსყიდველი“, _____ სახით და, მეორეს მხრივ _____, შემდგომში „მიმწოდებელი“, _____ სახით.

2. ხელშეკრულების საგანი და ღირებულება

2.1. „შემსყიდველმა“ განახორციელა შესყიდვა ელექტრონული ტენდერის (SPA--) საშუალებით საქართველოს შრომის, ჯანმრთელობისა და სოციალური დაცვის სამინისტროს „შრომის ბაზრის ანალიზისა და საინფორმაციო სისტემის დანერგვისა და განვითარების სახელმწიფო პროგრამის დამტკიცების შესახებ“ საქართველოს მთავრობის 2016 წლის 11 თებერვლის N68 დადგენილებით დამტკიცებული პროგრამის ასიგნების ფარგლებში, სისტემის შექმნისა და განვითარების მომსახურების შესყიდვზე (CPV კოდი -----) და „მიმწოდებელმა“ აიღო ვალდებულება გაუწიოს „შემსყიდველს“ მომსახურება ---- (-----) ლარად (შემდგომში „ხელშეკრულების ღირებულება“).

3. შესყიდვის ობიექტის მახასიათებლები

3.1. გასაწევი მომსახურების აღწერილობა და ფასები განისაზღვრება ელექტრონულ ტენდერში „მიმწოდებლის“ მიერ წარმოდგენილი თანდართული დოკუმენტების ----- შესაბამისად, რომლებიც წარმოადგენენ წინამდებარე ხელშეკრულების განუყოფელ ნაწილს.

4. მომსახურების გაწევის პირობები:

4.1. ვადები:

4.1.1 მომსახურების გაწევა განხორციელდება ხელშეკრულების გაფორმებიდან 6 თვის ვადაში.

5. შესყიდვის ობიექტის მიღება-ჩაბარების წესი

5.1. ფაქტიურად გაწეული მომსახურების მიღება-ჩაბარება განხორციელდება ეტაპობრივად, ხელშეკრულების შესრულების კონტრაქტის განმახორციელებელი ინსპექტირების ჯგუფის მიერ მომზადებული ინსპექტირების აქტის საფუძველზე შედგენილი მიღება-ჩაბარების აქტით.

6. ანგარიშსწორება

6.1. ანგარიშსწორების ფორმა - უნაღდო ანგარიშსწორება ლარებში.

6.2. ანგარიშსწორება იწარმოებს ეტაპობრივად, „მიმწოდებლის“ მიერ წარმოდგენილი შესრულებული სამუშაოს მიხედვით, მხარეებს შორის გაფორმებული მიღება-ჩაბარების აქტის, ინსპექტირების ჯგუფის მიერ მომზადებული ინსპექტირების აქტისა და „მიმწოდებლის“ მიერ წარმოდგენილი ფინანსური დოკუმენტების საფუძველზე, მიღება-ჩაბარების აქტის გაფორმებიდან ----- საბანკო დღის განმავლობაში ან შესაძლებელია გამოყენებული იქნეს წინასწარი გადახდის მექანიზმი, ხელშეკრულების ღირებულების 50%-ის ოდენობით. წინასწარი ანგარიშსწორებისათვის მიმწოდებელმა უნდა წარმოადგინოს საბანკო/სადაზღვევო გარანტია წინასწარ გადასახდელი თანხის სრული ოდენობით.

7. მხარეთა ვალდებულებები და უფლებები

7.1. „მიმწოდებელი“ ვალდებულია:

7.1.1. წინამდებარე ხელშეკრულების შესაბამისად განახორციელოს „შემსყიდველის“ ხარისხიანი და კვალიფიცირებული მომსახურება;

7.1.2. განახორციელოს, საბოლოო მიღება-ჩაბარების გაფორმებიდან მინიმუმ ერთ წლიანი თანმდევით მომსახურების გაწევა (support), პროგრამული ხარვეზების (bugs) აღმოჩენა და გასწორება, სამუშაოს შესრულებას 5 ფაზიანი მოთხოვნის შესაბამისად.

7.1.3. უზრუნველყოს ტრენინგების ორგანიზება ვებ-პორტალის ადმინისტრირებაზე ცოდნის გადაცემის მიზნით;

7.1.4. დაიცვას კონფიდენციალურობა და „შემსყიდველთან“ შეთანხმების გარეშე, არ მოახდინოს შექმნილი პროდუქტისა და მუშაობისას გამოყენებული ინფორმაციის მესამე პირისათვის გადაცემა.

7.1.5. დროულად განიხილოს „შემსყიდველის“ მიერ წამოჭრილი პრობლემები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. მოახდინოს ანგარიშსწორება „მიმწოდებელთან“ ხელშეკრულების პირობების შესაბამისად;

8. მხარეთა უფლება

8.1. „მიმწოდებელს“ უფლება აქვს:

8.1.1. ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს:

8.2.1. აწარმოოს გაწეული მომსახურების ხარისხისა და მოცულობის კონტროლი;

8.2.2. ცალმხრივად შეწყვიტოს ხელშეკრულების მოქმედება იმ შემთხვევაში, თუ „მიმწოდებელი“ ვერ უზრუნველყოფს ხელშეკრულებით ნაკისრი ვალდებულებების ჯეროვან შესრულებას. ხელშეკრულება ცალმხრივად შეწყვეტილად

ითვლება, აღნიშნულის შესახებ, „მიმწოდებლისადმი“ გაგზავნილ წერილობით შეტყობინებაში მითითებული ვადიდან.

9. ხელშეკრულების შესრულების გარანტია

9.1. იმისათვის, რომ თავიდან იქნას აცილებული რისკი, წარმოქმნილი „მიმწოდებლის“ მიერ სახელმწიფო შესყიდვების შესახებ ხელშეკრულების შეუსრულებლობის გამო, აღნიშნულ ტენდერში გამოიყენება საბანკო/სადაზღვევო გარანტია ხელშეკრულების ღირებულების --- % ის ოდენობით, გარანტია ძალაში უნდა იყოს — თვე.

9.2. „მიმწოდებლის“ მიერ ხელშეკრულებით ნაკისრი ვალდებულებების სრულად შესრულების შემდეგ „შემსყიდველი“ დაუბრუნებს მიმწოდებელს ხელშეკრულების შესრულების უზრუნველყოფის გარანტიას.

9.3. „მიმწოდებლისაგან“ დამოუკიდებელი მიზეზების გამო ხელშეკრულების შეწყვეტის შემთხვევაში „შემსყიდველი“ ორგანიზაცია „მიმწოდებლის“ მოთხოვნისთანავე დაუბრუნებს მას ხელშეკრულების შესრულების უზრუნველყოფის გარანტიას.

9.4. ხელშეკრულებით ნაკისრი ვალდებულებების არასრულად ან არაჯეროვნად შესრულების შემთხვევაში, „შემსყიდველი“ იტოვებს უფლებას არ დაუბრუნოს „მიმწოდებელს“ ხელშეკრულების შესრულების უზრუნველყოფის გარანტია და იმოქმედოს საქართველოს კანონმდებლობის ფარგლებში.

10. ფორს-მაჟორი

10.1. ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას თუ ხელშეკრულების შესრულების შეფერხება ან მისი ვალდებულებების შეუსრულებლობა არის ფორს-მაჟორული გარემოების შედეგი.

10.2. ამ ხელშეკრულებაში „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული „შემსყიდველისა“ და/ან „მიმწოდებლის“ შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

10.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობის მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამოახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

11. ხელშეკრულების პირობების გადასინჯვა

11.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია წინასწარ. ამავე დროს „შემსყიდველი“ არ არის ვალდებული წარუდგინოს „მიმწოდებელს“ რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

11.2. ხელშეკრულების პირობების ნებისმიერი ცვლილება უნდა გაფორმდეს ხელშეკრულების დამატებითი შეთანხმების სახით, რომელიც ჩათვლება ხელშეკრულების განუყოფელ ნაწილად.

11.3 ნებისმიერ ცვლილება, რომელსაც მოჰყვება ხელშეკრულების ფასის გაზრდა ან „შემსყიდველისათვის“ პირობების გაუარესება, დაუშვებელია გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

12. სადავო საკითხების გადაწყვეტა

12.1. „შემსყიდველმა“ და „მიმწოდებელმა“ ყველა ღონე უნდა იხმარონ, რათა პირდაპირი მოლაპარაკებების პროცესში შეთანხმებით მოაგვარონ ყველა უთანხმოება და დავა, რომელიც წარმოიშობა ხელშეკრულების პირობების შესრულებასთან დაკავშირებით.

12.2. თუ ასეთი მოლაპარაკების დაწყებიდან 10 (ათი) დღის განმავლობაში „შემსყიდველი“ და „მიმწოდებელი“ ვერ შეძლებენ სადავო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს საერთო სასამართლოს.

13. ხელშეკრულების შესრულების შეფერხება

13.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის გზით.

14. ხელშეკრულების პირობების შეუსრულებლობა

- 14.1. ხელშეკრულებით ნაკისრი ვალდებულებების შეუსრულებლობის შემთხვევაში, „მიმწოდებელს“ დაეკისრება პირგასამტეხლო სახელშეკრულებო ღირებულების --- %-ის ოდენობით;
- 14.2. ხელშეკრულებით ნაკისრი ვალდებულებების არაჯეროვნად შესრულების შემთხვევაში, „მიმწოდებელს“ დაეკისრება პირგასამტეხლო სახელშეკრულებო ღირებულების --- %-ის ოდენობით;
- 14.3. ხელშეკრულებით ნაკისრი ვალდებულებების შესრულების ვადების (გასაწევი მომსახურების ეტაპები) გადაცდენის შემთხვევაში, „მიმწოდებელს“ შესაძლებელია დაეკისროს პირგასამტეხლო შეუსრულებელი ვალდებულების ღირებულების --- %-ის ოდენობით, ყოველ ვადაგადაცილებულ დღეზე გაანგარიშებით.
- 14.4. იმ შემთხვევაში, თუ ვადების გადაცდენისთვის დაკისრებული პირგასამტეხლო ჯამური თანხა გადააჭარბებს ხელშეკრულების ღირებულების --- %-ს, „შემსყიდველს“ უფლება აქვს შეწყვიტოს ხელშეკრულება.
- 14.5. საჯარიმო სანქციების გადახდა არ ათავისუფლებს „მიმწოდებელს“ ძირითადი ვალდებულებების შესრულებისაგან.

15. ხელშეკრულების შესრულების კონტროლი

- 15.1. ხელშეკრულების შესრულების შუალედურ და საბოლოო კონტროლს განახორციელებს „შემსყიდველის“ მიერ შესაბამისი ბრძანებით შექმნილი ინსპექტირების ჯგუფი.

16. ხელშეკრულების მოქმედების ვადა

- 16.1. წინამდებარე ხელშეკრულება ძალაში შედის მხარეთა მიერ ხელმოწერისთანავე.
- 16.2. ხელშეკრულების მოქმედების ვადა განისაზღვრება 2017 წლის ----- მდე.

17. ხელშეკრულების შეწყვეტა:

- 17.1 ხელშეკრულება წყდება ხელშეკრულების ვადის გასვლით, ხელშეკრულების პირობების შესრულებით ან მხარეთა შეთანხმებით.
- 17.2 ხელშეკრულება შეიძლება ცალხმრივად შეწყდეს ასევე, ამ ხელშეკრულებით გათვალისწინებულ ცალკეულ შემთხვევებში.

18. განსაკუთრებული პირობები

- 18.1. ხელშეკრულება შედგენილია 3 ეგზემპლარად (---- გვერდზე) და თითოეულ მათგანს თანაბარი იურიდიული ძალა აქვს.
- 18.2. ხელშეკრულების ერთი ეგზემპლარი ინახება - „მიმწოდებელთან“, ხოლო ორი - „შემსყიდველთან“.

შემსყიდველი

მიმწოდებელი

9. დამატებითი ინფორმაცია

1. სატენდერო წინადადების ღირებულება უნდა მოიცავდეს ამ ტენდერით გათვალისწინებულ შესყიდვასთან დაკავშირებულ ყველა ხარჯსა და კანონმდებლობით გათვალისწინებულ გადასახადს. ხარჯები, რომლებიც სატენდერო წინადადების ფასში არ იქნება გათვალისწინებული, არ დაექვემდებარება ანაზღაურებას.
2. ტენდერში გამოიყენება ხელშეკრულების უზრუნველყოფის მექანიზმი, რისთვისაც გამარჯვებულმა კომპანიამ უნდა წარმოადგინოს ხელშეკრულების შესრულების უზრუნველყოფის გარანტია ხელშეკრულების ღირებულების 2% -ის ოდენობით.
3. იმ შემთხვევაში თუ ვაჭრობის შედეგად გამარჯვებული მიმწოდებლის მიერ სისტემაში დაფიქსირებული საბოლოო ფასი დაფიქსირდება 20%-ზე მეტი, ტენდერის შესყიდვის ობიექტის სავარაუდო ღირებულებაზე, შემსყიდველი იტოვებს უფლებას გამარჯვებულ მიმწოდებელს მოსთხოვოს ხელშეკრულების შესრულების გარანტია 2%-დან 10%-მდე ოდენობით.
4. თუკი, ყველაზე დაბალი ფასის მქონე პრეტენდენტმა, სისტემაში დაფიქსირებულ საბოლოო ფასსა და შესყიდვის სავარაუდო ღირებულებას შორის დააფიქსირა 20%-ით ან მეტით დაბალი ფასი, ასეთ შემთხვევაში მიმწოდებელი ვალდებული იქნება დაასაბუთოს ფასწარმოქმნის ადეკვატურობა. დადასტურება შესაძლებელია შესყიდვის ობიექტის მიწოდებასთან დაკავშირებით პრეტენდენტის მიერ გაფორმებული ხელშეკრულებით, ანგარიშფაქტურით (ინვოისით) ან სხვა ისეთი დოკუმენტით, რომელიც ადასტურებს პრეტენდენტის მიერ დაფიქსირებულ ფასად ხელშეკრულებით ნაკისრი ვალდებულების შესრულებას.
5. მიმწოდებელი ვალდებულია გაეცნოს და დაეთანხმოს აფიდავიტის პირობებს, რა სახითაც იგი წარმოდგენილი იქნება სახელმწიფო შესყიდვების ერთიან ელექტრონულ სისტემაში, სატენდერო წინადადების წარდგენამდე. აფიდავიტის საილუსტრაციო ფორმა მოცემულია დანართ N1-ში. დანართი N1-ით გათვალისწინებული აფიდავიტის ფორმა დოკუმენტაციაში წარმოდგენილია მხოლოდ საილუსტრაციო მიზნებისთვის. აფიდავიტის პირობებზე დათანხმება ხდება ერთიან ელექტრონულ სისტემაში ელექტრონულად შესაბამის ღილაკზე დაჭერით.
6. დამატებითი ინფორმაცია შეგიძლიათ მიიღოთ შემდეგი საკონტაქტო პირებისაგან: სატენდერო კომისიის აპარატის წევრები: თამარ შალამბერიძე, საქართველოს შრომის, ჯანმრთელობისა და სოციალური დაცვის სამინისტრო (მისამართზე: ქ. თბილისი, წერეთლის გამზ. N144, (საქართველოს შრომის, ჯანმრთელობისა და სოციალური დაცვის სამინისტრო) მე-6 სართული, ოთახი 601. ტელეფონი: (995 22) 510041 –0703.

1. რეკვიზიტები:

პრეტენდენტის იურიდიული ფორმა და დასახელება: _____

ხელმძღვანელის/ან უფლებამოსილი პირის სახელი და გვარი: _____

პრეტენდენტის იურიდიული ან/და ფაქტიური მისამართი: _____

პრეტენდენტის ტელეფონის ნომერი: _____

საიდენტიფიკაციო კოდი: _____

ბანკი და ბანკის კოდი: _____

ანგარიშსწორების ანგარიში: _____

2. **ანგარიშსწორების პირობები:** ანგარიშსწორება განხორციელდება უნაღდო ანგარიშსწორებით ლარებში, ყოველთვიურად, ფაქტიურად გაწეული მომსახურების მიხედვით, მხარეებს შორის მიღება-ჩაბარების აქტის გაფორმებიდან __ საბანკო დღის განმავლობაში.
3. პრეტენდენტის სატენდერო წინადადება ძალაშია სახელმწიფო შესყიდვების ერთიან ელექტრონულ სისტემაში წინადადებების მიღების დაწყების თარიღიდან „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ მე-2 მუხლის პირველი პუნქტის „ჟ“, „რ“ ან „ტ“ ქვეპუნქტებით გათვალისწინებული ეტაპის დადგომამდე.
4. ამ დოკუმენტზე ხელისმოწერით პრეტენდენტი ეთანხმება სატენდერო დოკუმენტაციით გათვალისწინებულ ყველა იმ მოთხოვნას, რომელთა შესახებ წერილობითი ინფორმაციის წარმოდგენა ან/და სისტემაში ატვირთვა არ არის სავალდებულო.

ხელის მოწერა და ბეჭედი _____

(მიმწოდებლის უფლებამოსილი პირის სახელი, გვარი)

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად, ასევე ვადასტურებ, რომ:

* ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;

* უფლებამოსილი ვარ პრეტენდენტის მიერ, ხელი მოვაწერო ამ აფიდავიტს და წარვადგინო ეს სატენდერო წინადადება;

* ნებისმიერი პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;

* ჩემთვის ცნობილია, რომ ტერმინი „კონკურენტი“ აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;

* მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:

- სატენდერო წინადადების ფასი;
- სატენდერო წინადადების ფასის გამოთვლის მეთოდი, კოეფიციენტი ან ფორმულა;
- სატენდერო წინადადების წარდგენა ან წარდგენისგან თავის შეკავება;
- ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებულ ტენდერის პირობებს;
- შესყიდვის ობიექტის ხარისხი, მოცულობა, ტექნიკური პირობები ან მიწოდების დეტალები, რომელთაც ეხება სატენდერო წინადადება;

* სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმომწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.